

除煩惱終無枉橫生無憂苦死無殃咎去處
無為常樂善緣獲福自然超越升仙

天尊言我臣道士是汝門師受汝供養為汝
授法轉讀經文過齋度戒通傳我前啓請精
誠我自知之若不依法我亦知之汝等道民
但好供養勿有侮慢謗生口業生施有悔死
必無功我當觀察罪無兩主直心取念多施
多獲少施少得造經造像亦復如是及能安
立官觀坐我形像福花園遠然燈續明施力
成就者其功巍巍計不可勝時登善福得入
升仙

天尊言惟我先天地前我獨有之無生無滅
變易自然有天地始有君民我出經教歷
帝為師復為天真大神撫接蒼生東化碧落
南化炎明西化大堂北化鬱單化緣既徧遠
還帝境濟度十方皆來奉道未親因果至心
樂法得入升仙

一者無極大道二者無上正真道三者無為
太平清約大道
天尊言此經一卷日誦三徧稱我三寶彰衛

此人今無怖畏若有罪犯亦復除滅汝等道
民若讀此經口氣不淨故汗不慎未來染罪
穢濁之中若欲讀誦必當漱口潔淨持心正
念求男得男求女得女求長命得最安樂求
食豐足此經一卷大有神德濟度生死若男

若女抄寫受持清淨安置即宅舍安穩男女
昌熾眾聖助衛世人敬愛富樂無為福力之
故善行增廣七世生天法界有類俱持斯福
信受奉行

太上洞玄靈寶天尊說濟苦經

太上洞玄靈寶淨供妙經

爾時太極左仙公於若耶山崇高之頂最極
雲峯精思靜處息六塵內虛沖素身心不
動亦不緣馳是七日中而得寂定來日午時
忽聞上方鐘鼓亂鳴浮雲之際作天大樂俄
頃之間天雨香花乃及大花或復小花花皆
百葉縱廣圓大有如車輪大小不定色相無
常或青或黃或赤或紫或成七寶種種變異
殊妙希有是諸天花非可具顯復有諸香末
香味香百和之香七寶香等如是諸香悉皆
衝天其氣芬芬巨滿山林爾時雲中復有五
色飛雲八景輦與神仙眷屬三萬人俱是諸
仙等皆善智慧明了辯才六通成就不可思
議見三輿內並有真人項負圓光光皆五色
晃曜虛空首冠寶冠衣皆雲錦金鏤莊嚴珠
皆明月用為纏絡三十二相八十種好顯照
淨明各乘輦輿而住於前第一寶輿真人自
稱名曰我鬱羅翹第二玉輿真人自稱名曰
我先妙音第三綠輿真人自稱名曰我真定
光三真同聲讚言善哉善哉善男子汝於無

量無邊之劫建大精進常行忍辱運慈悲心得於今日不緣他事身心不動得無我心既無我心亦無他心既無他心亦無別心既無別心得平等心善男子汝於此山得無是心成就道果不可思議我等今者奉

天專言闍子功德滿於世界上應諸天令我來此與諸眷屬證明實行成就子道使諸來生得有所知使諸來生得入法城使諸來生得無相法以是因緣故來而降是時仙公即從座起頭面著地聽真人靈羅翹說言已畢良久乃起作禮而言云何大真光相如是復雨香花種種變異瑞相如此不審今日是何因緣以何義故曲垂恩逮乃至如是特願大真示我令悟決了因緣當今愚瞽覺曉諸緣必竟成就無上道果爾時第一真人靈羅翹言善哉善哉善男子汝音所願為念云何仙公曰實誠在口未敢便言大真曰我今來者成就子願欲使將來興大殊橋作大舟楫開大因緣弘大功德以是義故而降此也仙公復起作禮而重白言真人大師悟我愚蒙欲

有所問未敢諮請唯願大真採我鄙言真人曰大善大善隨汝所問仙公曰我已今七月七日於一念中觀見十方是諸地獄幽冤餓鬼吞火食炭履踏刀山頭手異處或身入鐵湯五體爛壞無復鬼形諸苦諸痛不可思議法界中苦實不能加而我一念見如是苦不覺身體百節毛孔並皆流血有如支解是昔所念具如今言不審大真作何功德能救如是一切幽冤得無煩惱具諸飽滿而得解脫爾時真人得斯語已彈指歎言善哉善哉善男子作如是言實不可思議吾今告子諦而聽之當為汝說是大真人即告言曰唯三元吉日五臘節者總名八日能於玄壇精舍奉請道士宿宵行道及供香油作諸甘果積聚為山隨其大小或復梓合種種莊嚴上獻

天專因此慈悲惠及十方無量無邊地獄囚徒餓鬼皆得解脫若犯重罪謗於大道及毀諸經淨戒道士是名重罪若殺父害母攻伐師主謀逆國君亦名重罪若犯此罪由得暫時應其供獻而得解脫若罪輕者因此供獻宿宵行道永得解脫俱時飽滿善男子善弘建之福使來生慈想道士及孝子皆得餉於先人或亡父母姊妹弟兄皆得解脫飽滿無飢若不同此八日不奉餉先人者即為不孝告諸來生勤修淨供非但鬼神而得解脫見世之人財寶增益不為七世先人之所傷害非但七世先人不能傷害一切鬼神外魔鬼賊不能傷害何以故世間凡夫或於所見求諸魔鬼祠祭先人不依八日而祠餉之者悞先人而更得罪何以故祠餉不依八日則鬼靈飢餓於飢餓中即生傷害招引外魔合為凶害若祠餉得所依於八日則先亡歡悅不為禍害一切魔鬼賊等不能為害理致如是仙公又言善哉天真向所說者淨供獻大而知云言八日未辯是何賜垂分別

真人言是八日者正月十五日七月十五日十月十五日是名三元之日復有正月一日是名天臘五月初五日名地臘七月七日名道德臘十月一日名民歲臘十二月

非八日而相餉之終不得達罪福之報具如
前說善男子堅持在心吾今說者是上三天
之所科格紫書金題天地常儀不可思議可
不尊重善奉行也

第二真人先妙音告仙公言善哉善哉善男
子功德巨大不可限量我奉

天尊言今我與諸神仙眷屬降於子耶何以
故為不可思議故為無所得故善男子向所
說者是名八日不可思議名八解脫當於此
日卯時安六道座清淨香湯及諸衣服卧具
甘饌飲食次第安之道士於道場中所清且
沐浴浴衣表一過午時行道謝施主等家
先靈已往皆於今日解脫清淨仙公曰善哉
大真能為一切眾生開解脫門為無所得迂
降此耶不審本說六道為是何道請具說之
真人曰一者天道二者人道三者畜生道四
者神道五者鬼道六者地獄道是名六道善
男子善誠在心可不遵耶復次
第三真人真定先言善哉善哉善男子是八
日者二大真人具說已竟功德次第理大分

明吾今最後說大因緣使欲告子子欲聞耶
仙公作禮而起自言慈悲廣被不棄凡夫今
日踴躍非意能陳特願大真照我愚蒙豈煩
諮請真人云我等奉

天尊言實為過去重成就子心云何不說若
不說者即隨無明斷真道種且子往劫因修
功德成辦云何不說善男子向言供獻功德
因緣有二種意何等二種一者住相供獻名
為有盡二者不住相供獻名為淨供名為無
盡何以故譬如江海之水輪轉無窮是故此
經明無盡義亦復如是又如虛空無邊無際
不可限量是故我今明無盡義亦復如是若
江海之水輪轉有盡是故我今明無盡之義
便應有盡若虛空江海畢竟不可得知多少
邊際故示無盡之義亦復如是善男子復應
須知有盡之義辨了分明夫有盡者譬如有人
人誦諸經句一句兩偈從三至四乃至百千
萬億之句亦不為多何以故若為他說不盈
數歲便為有盡是故我今明有盡之義亦復
如是復如有人得大玉粒富貴累世金銀瑤

琉璃珊瑚珀金剛諸珍鱗甲等寶滿一城中
亦不為多何以故若用布施不盈旬朔便爾
有盡是故我今明有盡之義亦復如是若誦
經句口說無盡及諸珍等手施無窮是故當
知我今說者住相供獻名為有盡何以故夫

一切有限之物施隨日消無限之物非劫能
盡是故我今明有盡之義必竟如是善男子
理趣皆然非但此供功德如是凡為齋者一
會宿宵亦復如是可不勤行若能常勵其心
行不住相善知無盡義者決定今汝成無上
道何以故無我身故無我心故既無我身即
無我心既無我心亦無他心既無他心諸心
即滅是名清淨得無心定得無我定善男子
今復決了斯言若有我心息於他心即我心
不滅是名得身心無我未得身界無我若欲
求法界無我者應須當知本無今無既知本
無今無即知亦無法界法界既無則不生不
滅不生不滅是故當知亦非不生亦非不滅
所言不生不滅者何以故為說法故是故云
言不生不滅得如是理則名稱為淨供則名

為得法界無我則名為得法界清淨善男子
我今最後說者並是往古無量無邊天尊真
人仙真聖道并及十方諸大力鬼神玉等之
所履行得無上道子於今雖不名編然位號
曰太極左仙公仙階之大今可不履行必定
當得登真人聖具足六通成無上道爾時仙
公即從座起作禮謝言我今頓遭大真賜如
是言實為希有我從無量劫來行諸功德亦
遇仙人常為我說小乘小智養生之法未有
如今大真所說微妙無邊無際不可思議我
今結果由如火積熾冰一旦逢大釋然消解
無復遺餘我今無際亦復如是復如法解賣
兒父母兄弟四人悲號不可思議不期須臾
金銀諸摩悉皆盈滿遂得兒還歡喜無量我
今歡喜亦復如是又如昔日國王有女名曰
結音六極不言棄之深山飢餓困乏性命儼
然遂感真人下降示之於是病便即愈具足
能言而得飽滿歡喜無量我今歡喜亦復如
是特願大真命諸靈駕暫停林藪希未便騰
大真言我等今去不久便來別言已畢是三

與輩次第而去諸仙伎樂導從騰空至於雲
表俄頃之間不知所在仙公敬而奉行至十
五日謹依說法弘建淨供具如威儀作大界
山山高丈八種種莊嚴微妙希有諸雜甘果
徧滿山林及諸米飯亦復甚多是日午時十
方地獄六道含靈身相各異無量無邊俱來
集會是諸鬼中有一大王名大威前進與
諸鬼等俱時作禮同聲讚言善哉善哉大威
王言淨界道士能為我等開解脫門得於今
日是我眷屬非我眷屬無量無邊並來雲集
俱蒙清淨而得解脫若非淨戒慈悲何能為
我是諸眷屬營建淨供唯願法師不久成就
大仙證無上道及諸天人畜生神鬼地獄幽
寃並同斯言是言已畢皆沐浴香湯衣服莊
嚴依位而坐飲食具足午時了竟大王與諸
眷屬各辭仙公言法師善哉善哉不可思議
我等因此慈悲有無量寃靈而得解脫作斯
言已稽首而去仙公告諸來生善男子善女
人我於無量無邊劫來至於今日始蒙大真
說此要言不可思議雖前奉大真授我獻經

其議少略不頓如今說諸因緣其義深遠乃
至如此復見有經名曰大獻直說三元不明
八日不說功德廣大如是無邊無際不可思
議善男女等可不尊奉若能遵教奉行此經
是人名曰孝子報其父母生長之恩非但胎
生父母亦得報其真父母也得報真已滿階
道果若有誹謗不信不餉先人是名不孝違
真父母何以故若不餉先人鬼鬼飢餓是名
不孝既不孝已既生誹謗若誹謗已則誤先
人是亡父母受諸苦惱其身現世魔王鬼賊
之所傷害風癩之病諸苦痛者具足受之將
來男女明各慎之

太上洞玄靈寶淨供妙經